

**Talamdan sa
Mga Mensahe alang sa Full-time Training
sa Spring Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
EFESO**

Mensahe 1

Ang Espirituhanong Mga Panalangin ngadto sa Iglesia

Basahong Kasulatan: Efe. 1:3-14

I. Dios nga nagpanalangin ang Dios—Gen. 1:22, 28; Sal. 115:13:

- A. Ginganlan sa Biblia ang Dios og ang naglalang nga Dios (Gen. 1:1; Sal. 100:3; Isa. 45:18), ang nagtubos nga Dios (Job 19:25; Sal. 19:14; 78:35), ang naghukom nga Dios (Gen. 18:25; Sal. 7:11; 9:7), ug ang nagpanalangin nga Dios (Gen. 1:22, 28; Sal. 115:13).
- B. Ang pagpanalangin mao ang pag-awas sa Dios pinaagi sa pagkahamtong sa kinabuhi sa usa ka tawo—Gen. 47:7, 10.
- C. Ang unang hitabo sa pagpanalangin diha sa Biblia mao ang pagpanalangin ni Melquisedec ni Abraham—Gen. 14:18-20.
- D. Naghisgot ang Numeros 6:22-27 nga gipanalanginan ta sa Dios:
 - 1. Diha sa Amahan—“Magpanalangin ug mag-amping si Jehova kanimo”—v. 24.
 - 2. Diha sa Anak—“Pasidlakon ni Jehova ang Iyang nawong nganha nimo ug magmagrasyahon nimo”—v. 25.
 - 3. Diha sa Espiritu—“Iisa ni Jehova ang Iyang panagway kanimo ug hatagan kag kalinaw”—v. 26.
 - 4. “Mag-uban ninyong tanan ang grasya ni Ginoong Jesucristo ug ang gugma sa Dios ug ang pakig-ambitay sa Espiritu Santo”; kining panalangin sa 2 Corinto 13:14 sa pagkatinuod mao ra nga panalangin sa Numeros 6:23-26.
- E. Pinaagi sa Iyang pagpangatiman, gipapahimulos ta sa Ginoo sa Iyang panalangin ug gihimo tang tinubdan sa panalangin diha sa mga ulan sa panalangin—Ezeq. 34:26-27a, 29; Zac. 10:1.
- F. Gidayeg nato ang Dios kay gipanalanginan man ta Niya—Efe. 1:3.
- G. Niingon ang Mga Hebreohanon 7:7, “Apan dili gyod malalis nga panalanginan sa labaw ang ubos”:
 - 1. Makita nato ning versiculoha ang prinsipyo sa pagpanalangin: ang labaw maoy mopanalangin sa ubos.
 - 2. Ang pagkalabaw o pagkaubos kalabot man sa gidak-on ni Cristo.
- H. Mahalon gyod nato ang panalangin sa Dios—Deut. 28:2-8; Sal. 84:4-5.

II. “Dalaygon ang Dios ug Amahan sa atong Ginoong Jesucristo, nga nagpanalangin nato sa tanang espirituhanong panalangin sa kalangitan diha ni Cristo”—Efe. 1:3:

- A. Gipadayag sa Efeso 1:3-14 ang tulo ka pilong panalangin sa Dios sa iglesia:
 - 1. Gipili ta sa Amahan sa tuyo nga ipaambit ang balaang kinaiya Niya kanato aron mabalaan ta (v. 4), ug gitudlo ta Niyang daan aron ipaambit ang Iyang kinabuhi kanato aron mahimo tang mga anak Niya sa kinabuhi ug kinaiya (v. 5).
 - 2. Ang pagpanalangin sa Dios sa iglesia naa sab sa katubsanan Niya diha sa Anak (v. 7) ug sa paghimo kanato nga panulundon Niya sa pagpaambit Niya sa Iyang mga elemento nganhi sa atong pagkatawo (v. 11).

3. Gipanalanginan sab sa Dios ang iglesia sa pagtimbre Niya kanato sa Espiritu nga kahingpitan sa Tulo-usang Dios (v. 13).
- B. Naa sa mga versiculo 3-14 ang pagpili ug pagtudlong daan sa Amahan, nga nagpadayag sa walay kataposang tuyo sa Dios (vv. 3-6), ang pagtubos sa Anak, nga nagpadayag sa pagkahuman sa walay kataposang tuyo sa Dios (vv. 7-12), ug ang pagtimbre ug pagpatinga sa Espiritu, nga nagpadayag sa pag-aplikar sa nahuman nga tuyo sa Dios (vv. 13-14).
- C. “Nagpanalangin [ang Dios] nato sa tanang espirituhanong panalangin sa kalangitan diha ni Cristo”—v. 3b:
 1. Kay espirituhanon man ang tanang gipanalangin sa Dios kanato, may kalabotan kini sa Espiritu Santo—4:30:
 - a. Dili lang palagianan ang Espiritu sa Dios kondili ang realidad sab sa mga panalangin sa Dios.
 - b. May kalabotan tanan sa mga panalanging gihatag kanato ang Dios Amahan, Dios Anak, ug Dios Espiritu.
 2. Sa linetra, nagpasabot ang *panalangin* og “maayong pagpamulong, o, pagpanulti, matahom nga pamulong”; pag-asoy nianang mga pagpamulonga, mga panalangina, ang Efeso 1:4-14.
 3. Espirituhanon, naa sa kalangitan, ug naa ni Cristo kining tanang panalangin—v. 3b:
 4. Naa sa kalangitan kining espirituhanong mga panalangin:
 - a. Dili lang nagpasabot sa langitnong dapit ang *kalangitan* dinhi kondili sa langitnong kinaiya, pagkabutang, ilhanan, ug kahimtangan sab sa espirituhanong mga panalangin nga gipanalangin sa Dios kanato.
 - b. Nagpahimulos ang mga magtutuo ni Cristo dinhi sa yuta ning langitnong mga panalangin, nga espirituhanon maingon man langitnon.
 - c. Ang mga panalanging gihatag kanato iya sa Dios Amahan, diha sa Dios Anak, pinaagi sa Dios Espiritu, ug naa sa kalangitan.
 5. Naa ni Cristo kining espirituhanong mga panalangin:
 - a. Naa ni Cristo ang tanang gihatag sa Dios kanato—v. 3.
 - b. Si Cristo ang posisyon diin gipanalanginan sa Dios ang iglesia—2:6.
 - c. Si Cristo ang hinungdan, instrumento, ug ginsakpan nga niini gipanalanginan ta sa Dios.
 - d. Diha ni Cristo gipanalanginan ta sa Dios sa tanang espirituhanong panalangin nga naa sa kalangitan.
 6. Ang labing dakong lugwa ning tulo ka pilo nga panalangin mao ang pagkaanak—1:5.

III. “Gitudlo tang daan ngadto sa pagkaanak pinaagi ni Jesucristo alang sa Iyang Kaugalingon, sumala sa gikahimut-an sa Iyang kabubut-on”—v. 5:

- A. Ang unang butang sa panalangin sa Dios mao ang pagpili kanato aron mabalaan ta—v. 4.
- B. Ang pagtudlong daan kanato ngadto sa pagkaanak mao ang ikaduhang butang sa panalangin sa Dios—v. 5:
 1. Sa nilabayng eternidad, gitudlo tang daan sa Dios ngadto sa pagkaanak, nagtimaan sa dangatanan sa mga pinili Niya sa wala pa matukod ang kalibotan.
 2. Ang tumong sa pagtudlong daan sa Dios mao ang pagkaanak.
 3. Gitudlo tang daan nga mahimong mga anak sa Dios bisan sa wala pa ta lalanga.
 4. Isip mga linalang sa Dios, ipanganak gyod ta pag-usab Niya aron makaambit ta sa Iyang kinabuhi ug mahimong mga anak Niya.
 5. Gipili ug gitudlo tang daan sa Dios sumala sa nahibaloan na Niyang daan—1 Ped. 1:2.
 6. Gitudlo tang daan sa Dios ngadto sa pagkaanak pinaagi ni Jesucristo—Efe. 1:5:
 - a. Nagpasabot ang *pinaagi ni Jesucristo* og pinaagi sa Anak sa Dios, sa Manunubos.
 - b. Pinaagi Niya gitubos ta aron mahimong mga anak sa Dios, nga dunay kinabuhi ug posisyon sa mga anak sa Dios.

7. Gitudlo tang daan sa Dios ngadto sa pagkaanak sumala sa gikahimut-an sa Iyang kabubut-on, nga mao ang tuyo Niya.